

## **NORMAS DE USO DOS LOCAIS MUNICIPAIS DE MÚSICA PARA A MOCIDADE DE COMPOSTELA**

**Situación:** Estadio de San Lázaro

**Superficie:** 175 m2 .

**Dotación:** 2 salas equipadas

**Comezo do servizo:** curso 2004-2005

**Teléfono:** 981 554 400/401

**Fax:** 981 571 511

**Correo electrónico:** [dptoeducacion@santiagodecompostela.org](mailto:dptoeducacion@santiagodecompostela.org)

**Páxina web:** [www.santiagodecompostela.org](http://www.santiagodecompostela.org)

### **Art I. Obxecto**

As presentes normas teñen como obxecto establecer as condicións de uso das instalacións e do material dos *Locais Municipais de Música para a Mocidade de Compostela*.

O Departamento de Educación e Mocidade do Concello de Santiago de Compostela pon a disposición dos grupos musicais da cidade un equipamento municipal ubicado no Estadio de San Lázaro co obxectivo de:

- Fomentar a práctica musical dos mozos e mozas de Compostela dotándoos dos recursos profesionais e técnicos necesarios.
- Contribuír a unha maior formación musical e técnica dos grupos que fan uso deste equipamento, mediante o deseño de accións formativas relacionadas con esta disciplina.
- Crear unha plataforma de encontro da mocidade para o intercambio de experiencias musicais.
- Organizar eventos que sirvan para fortalecer entre a mocidade a conciencia de seu, e difundir entre a cidadanía os aspectos positivos da cultura musical da xente moza.
- Promover un ocio xuvenil máis creativo e menos consumista, ampliando a oferta de actividades e facilitando a súa accesibilidade para o sector xuvenil.

### **Artigo II. Locais e materiais**

Os locais contan cunha superficie de 175 m2, distribuídos en dúas salas equipadas, cada unha co seguinte material:

- Batería con dobre pedal e tarima
- Amplificador de guitarra
- Amplificador de baixo
- 4 Caixas autoamplificadas con pés
- 2 micrófonos e pés de micrófono
- Mesas, cadeiras e armarios
- Conexións eléctricas e cableado

### **Artigo III. Horarios**

- De luns a venres de 10 a 15 horas e de 16 a 24 horas.
- Sábados, domingos e festivos de 10 a 22 horas.

Excepcionalmente poderanse acoller as solicitudes de uso destas instalacións fóra do horario establecido, atendendo ás necesidades do servizo.

### **Artigo III. Presentación de solicitudes**

Poderán presentar solicitudes para o uso dos citados locais, aqueles mozos e mozas que en representación dun grupo musical, con membros empadroados no Concello de Santiago de Compostela, precisen dun local para realizar os seus ensaios.

As solicitudes presentaranse en instancia formalizada a recoller no Departamento de Educación e Mocidade perante o Rexistro Xeral do Concello de Santiago de Compostela, na Rúa Presidente Salvador Allende, 4.

### **Artigo IV. Valoración das solicitudes e criterios de autorización de uso**

(a) Priorizaranse as solicitudes de reserva mensual de 8 horas do equipamento. No caso de que se necesite máis tempo, poderase solicitar por escrito ao Departamento de Educación e Mocidade ampliación do horario e o uso puntual das instalacións.

(b) O equipamento acollerá aos grupos con membros empadroados no Concello de Santiago.

(c) Mensualmente revisaranse os horarios e, caso de ser necesario, reestruturarase o calendario en función de novas solicitudes e dos horarios dispoñibles.

(d) O Departamento de Educación e Mocidade entregará á persoa solicitante unha autorización do uso das instalacións indicadas, na que figurará o nome do solicitante, o seu número de documento de identidade, relación de membros que compoñen o grupo, días e horas nas que está autorizado ao uso dos locais e a sala a utilizar.

### **Artigo V. Procedemento para o acceso ás instalacións**

(a) Para ter acceso ás instalacións no horario establecido, a persoa representante do grupo deberá ter dispoñible o documento de autorización ao que se refire o apartado (d) do artigo anterior e dirixirse ao garda de seguridade do Estadio Municipal de San Lázaro ou ao persoal de conserxería do Departamento de Deportes, que facilitará as chaves de acceso ás instalacións asignadas, e rexistrará a súa entrada e saída nun parte de asistencia. A non presentación deste documento invalidará a autorización para o uso do local.

- A primeira visita ás instalacións será realizada coa supervisión de técnicos do Departamento de Educación e Mocidade co obxecto de facilitar o acceso ás instalacións e a correspondente presentación

do responsable do grupo ao persoal de seguridade da empresa encargada e ao persoal de conserxería do Departamento de Deportes.

(b) Antes do inicio de cada sesión de ensaio comprobarase o estado do local e do material, notificando calquera desperfecto ou incidencia ao garda ou persoal asignado mediante un parte de incidencias de obrigado cumprimento. O persoal de seguridade da empresa concesionaria do servizo e o conserxe encargado do Departamento de Deportes deberá poñé-lo en coñecemento do Departamento de Educación e Mocidade á maior brevidade posible, deixando constancia escrita das incidencias.

(c) Cada solicitante é responsable da limpeza básica das instalacións que se lle autorice a usar, debendo deixar os locais nas mesmas condicións de limpeza nas que estaba á súa chegada.

(d) O Departamento de Educación e Mocidade faise cargo da limpeza das instalacións e do servizo de mantemento técnico dos materiais.

#### **Artigo VI. Obrigas do/a solicitante**


O/a solicitante ten as seguintes obrigas:

(a) Acudir ao local de ensaios o día e hora na que se lle autorizou:

- Respectar os horarios e salas asignados: non se permitirá o acceso ás instalacións dos usuarios que cheguen media hora máis tarde da hora asignada.
- Todos os grupos teñen a obriga de dirixirse ao persoal de seguridade ou da conserxería do Departamento de Deportes e cubrir o parte de asistencia, de entrada e de saída das instalacións.
- En caso da non utilización do local en catro ocasións consecutivas ou en seis trimestrais, sen xustificación, procederase á baixa automática do uso deste equipamento.
- Só poderán acceder ás instalacións as persoas autorizadas e os membros do grupo. Queda prohibido o acceso ás instalacións de persoas alleas, podendo autorizar o seu acceso en casos puntuais, previa comunicación e autorización do Departamento de Educación e Mocidade.

(b) Boas prácticas no uso das instalacións e do material:

- Cada representante do grupo asume a responsabilidade de comunicarlle ao persoal de seguridade e de conserxería, todas aquelas deficiencias que considere de interese respecto do estado da sala, limpeza, materiais, entre outros servizo para o que se facilitará un parte de incidencias.
- Queda terminantemente prohibido trasladar material dunha sala a outra.
- Unha vez rematado o ensaio, o local e o material debe quedar recollido para o seu uso polo seguinte grupo. Prégase que se extreme o coidado na manipulación do material e do cableado, quedando todo desconectado da rede eléctrica.



## CONCELLO DE SANTIAGO

Departamento de Educación e Mocidade

- No caso de producirse danos por negligencia ou mala fe, o grupo de que se trate a través do seu representante deberá repoñer integramente o danado ou aboar o importe íntegro da súa reposición.
- O Departamento de Educación e Mocidade poderá deseñar diferentes accións formativas que incidan na mellora do uso das instalacións, instrumentos e recursos técnicos cos que conta os locais. Neste caso, cada grupo terá o compromiso de designar a un representante que participará nestas accións formativas, se fose o caso.

### (c) Limpeza básica das instalacións.:

- Debendo deixar os locais nas mesmas condicións de limpeza nas que estaba á súa chegada.
- Non se permite fumar, consumo de bebidas alcohólicas ou comer nos espazos habilitados para o ensaio.

(d) Asistir ás xuntanzas de coordinación e de seguemento que se convoquen dende o Departamento de Educación e Mocidade, así como ás diferentes accións formativas que con carácter obrigatorio se programen.

(e) Facilitar ao Departamento de Educación e Mocidade toda aquela información sobre o grupo, traballo realizado e calquer outro dato de interese. Esta información poderá ser utilizada na difusión deste equipamento municipal.

(f) Facer como mínimo unha actuación ao ano, de acordo coa programación do Departamento de Educación e Mocidade, co obxecto de promover o equipamento.

(g) Este equipamento poderá acoller aquelas iniciativas (concertos, presentacións de traballos, gravacións, encontros...) que se acorden oportunamente e sempre previa autorización correspondente do Departamento de Educación e Mocidade do Concello de Santiago de Compostela.

### **Artigo VII. Incumprimentos**

O incumprimento das obrigas establecidas neste regulamento darán lugar á perda do dereito ao uso e disfrute das instalacións e dos materiais indicados nos artigos I e II. Sen prexuízo das responsabilidades a que dea lugar a normativa vixente.